



**JAMHURI YA MUUNGANO WA TANZANIA
BUNGE LA TANZANIA**

ORODHA YA SHUGHULI ZA LEO

MKUTANO WA ISHIRINI

KIKAO CHA KUMI NA SITA

25 JUNI 2010



ORODHA YA SHUGHULI ZA LEO

MKUTANO WA ISHIRINI

KIKAO CHA KUMI NA SITA – TAREHE 25 JUNI, 2010

I. HATI ZA KUWASILISHA MEZANI:

WAZIRI WA KATIBA NA SHERIA:

Hotuba ya Bajeti ya Waziri wa Katiba na Sheria kwa Mwaka 2010/2011.

MWENYEKITI WA KAMATI YA KATIBA, SHERIA NA UTAWALA:

Taarifa ya Kamati ya Katiba, Sheria na Utawala kuhusu utekelezaji wa majukumu ya Wizara ya Katiba na Sheria kwa Mwaka wa Fedha 2009/2010 pamoja na maoni ya Kamati kuhusu Makadirio ya

Matumizi ya Wizara hiyo kwa Mwaka wa Fedha 2010/2011.

**MSEMAJI MKUU WA KAMBI YA UPINZANI
KUHUSU WIZARA YA KATIBA NA SHERIA:**

Taarifa ya Msemaji Mkuu wa Kambi ya Upinzani kuhusu Makadirio ya Matumizi ya Wizara ya Katiba na Sheria kwa Mwaka wa Fedha 2010/2011.

**WAZIRI WA ULINZI NA JESHI LA KUJENGA
TAIFA, NA WAZIRI WA MAMBO YA NDANI YA
NCHI:**

Randama za Makadirio ya Matumizi ya Wizara ya Ulinzi na Jeshi la Kujenga Taifa, pamoja na Wizara ya Mambo ya Ndani ya Nchi kwa Mwaka wa Fedha 2010/2011.

II. MASWALI:

OFISI YA WAZIRI MKUU:

**111. MHESHIMIWA SULEIMAN OMAR
KUMCHAYA (LULINDI):**

Atamuuliza Mheshimiwa Waziri Mkuu:-
Kuna baadhi ya walimu ambao huamua
kuondoka katika vituo vyao vya kazi bila
sababu maalum na hivyo kuongeza uhaba
wa walimu katika shule zetu:-

Je, Serikali inatoa kauli na adhabu gani
kwa walimu hao ili tabia hiyo isiendelee
kujenga mizizi.

WIZARA YA MALIASILI NA UTALII:

112. MHESHIMIWA BENITO WILLIAM MALANGALILA (MUFINDI KUSINI):

Atamuuliza Mheshimiwa Waziri wa
Maliasili na Utalii:- Kijiji cha Kihanga kilitoa
ardhi yake kwa Idara ya Misitu ili Idara
hiyo iweke kitalu cha kuotesha miche ya
kupanda kwenye shamba la Sao Hill:-

(a) Je, kwa nini Serikali imeendelea
kung'ang'ania eneo hilo la wananchi
ikidai kuwa ni la kwake, jambo ambalo
sio kweli;

(b) Kwa kuwa, wananchi wa eneo hilo huuliza maswali juu ya hatma ya eneo hilo lakini Mbunge wa eneo hilo anakosa majibu; Je, Serikali itamsaidiaje Mbunge kupata suluhu juu ya tatizo hilo.

113. MHESHIMIWA VITA RASHID KAWAWA (NAMTUMBO):

Atamuuliza Mheshimiwa Waziri wa Maliasili na Utalii:- Wananchi wa Wilaya ya Namtumbo walihamasishwa kuunda shirikisho la vijiji la utunzaji mazingira ya hifadhi ya wanyamapori na njia zao za misitu ili waje kunufaika nayo kwa miradi mbalimbali kama vile, uwindaji, miradi mikubwa ya kuhifadhi nyuki na kuvuna asali lakini hadi sasa hawajapatiwa leseni ya AA, badala yake yameibuka machimbo ya Madini ya 'Uranium' kwa waliopata leseni/vibali kutoka Serikalini ndani ya hifadhi hiyo:-

(a) Je, wananchi wa vijiji vilivyounda Shirikisho hilo la Mbarang'ado yenye vijiji vya Kitanda, Nambeche, Likuyuseka, Mchomoro na Kilimasera watafaidikaje kimapato kutokana na mradi wa uchimbaji Madini ya 'Uranium';

- (b) Je, Serikali imejiandaaje katika Mkataba na wachimbaji hao wakati wakiwa kwenye uzalishaji, na wananchi wa vijiji hivyo na Wilaya ya Namtumbo wenye maliasili yao wamewekwa katika kundi gani la mapato yatakayotokana na mradi huo.

WIZARA YA ULINZI NA JESHI LA KUJENGA TAIFA:

114. MHESHIMIWA MOHAMED HAMIS MISSANGA (SINGIDA KUSINI):

Atamuuliza Mheshimiwa Waziri wa Ulinzi na Jeshi la Kujenga Taifa:- Kambi za Jeshi la Wananchi (**JWTZ**) pamoja na Jeshi la Kujenga Taifa (**JKT**) ni muhimu sana kwa Ulinzi na Usalama, na pia zinatoa mchango mkubwa sana nchini kiuchumi na kijamii kwa kushirikiana vizuri na wananchi katika kujiletea maendeleo na Ustawi wa Jamii mahali ambapo kambi hizo zipo:-

- (a) Je, kuna Kambi ngapi za Jeshi la Kujenga Taifa hapa nchini na ziko wapi;

- (b) Je, ni sababu zipi zilizosababisha Wilaya ya Singida kutokuwa na Kambi hata moja ya Jeshi la Kujenga Taifa.

WIZARA YA AFYA NA USTAWI WA JAMII:

**115. MHESHIMIWA AL-SHYMAA JOHN
KWEGYIR (KUTEULIWA):**

Atamuuliza Mheshimiwa Waziri wa Afya na Ustawi wa Jamii:- Hospitali ya Tumbi iliyoko Kibaha inahudumia wagonjwa wanaopata ajali wanapokuwa safarini kutoka Mikoa mbalimbali kwa kuwapatia Matibabu, lakini hospitali hiyo ina upungufu mkubwa wa wataalam kwa baadhi ya fani za Udaktari kama vile *Orthopaedic Surgeon, General Surgeon, Physcian, Neurologist* n.k:-

- a) Je, Serikali inalitambua suala hilo;

- b) Je, Serikali ina mpango gani wa kuhakikisha hospitali hiyo inakuwa na wataalam, dawa na vifaa vya kutosha ili kuokoa maisha ya watu wanaopata ajali katika maeneo hayo.

WIZARA YA MIUNDOMBINU:

116. MHESHIMIWA JANET BINA KAHAMA (VITI MAALUM)

Atamuuliza Mheshimiwa Waziri wa Miundombinu:- Katika miaka ya 1950, Mto Kagera ulikuwa ukitumiwa kwa usafirishaji rasmi wa bidhaa za biashara (commercial navigation) kama vile Madini ya Bati (Tin – Ore) Kampuni ya Kyera Syndicate huko Karagwe kutoka Bandari ndogo ya Nyakanyasi – Kagera hadi Bandari ndogo ya Bukakata – Uganda:-

- (a) Je, Serikali kwa kushirikiana na Serikali za Afrika Mashariki ina mpango gani wa kufufua usafirishaji

huo muhimu kutoka Kagera kwenda Mikoa ya Magharibi mwa nchi ya Uganda na Congo DRC;

- (b) Je, Serikali haioni kuwa, kufufua usafirishaji katika njia hiyo itasaidia pia kuokoa Mto Kagera usimezwe na Magugu – Maji na kukauka kabisa.

WIZARA YA MAENDELEO YA MIFUGO NA UVUVI:

117. MHESHIMIWA MCH. LUCKSON MWANJALE (MBEYA VIJIJINI):

Atamuuliza Mheshimiwa Waziri wa Maendeleo ya Mifugo na Uvuvi:- Kutokana na kwamba Kiwanda cha Nyama Mbeya hakijaanza kazi vilevile mashamba yanayohusika na Kiwanda hicho nayo hayatumiki kwa sasa:-

Je, kwa nini Serikali isiruhusu wananchi kuyalima mashamba hayo hadi hapo Kiwanda kitakapoanza kufanya kazi.

WIZARA YA MAMBO YA NDANI YA NCHI:

118. MHESHIMIWA KHALIFA SULEIMAN KHALIFA (GANDO):

Atamuuliza Mheshimiwa Waziri wa Mambo ya Ndani ya Nchi:- Kuna madai mengi ya malimbikizo ya madai mbalimbali ya Askari Polisi:-

- (a) Je, ni fedha kiasi gani ambazo Serikali inadaiwa;

- (b) Malimbikizo ya madai ya posho yanawakera zaidi askari; Je, Serikali itawalipa lini posho zao ili kupunguza malalamiko;
- (c) Je, ni kwa nini baadhi ya askari huchelewa sana kupata nyongeza ya mishahara yao.

WIZARA YA HABARI, UTAMADUNI NA MICHEZO:

119. MHESHIMIWA FELIX NTIBENDA KIJIKO (MUHAMBWE):

Atamuuliza Mheshimiwa Waziri wa Habari, Utamaduni na Michezo:- Mkoa wa Kigoma uko mpakani, mbali na Makao Makuu ya nchi na hauna mawasiliano ya kuaminika ya Redio ya Taifa kwa ajili ya kuhabarisha wananchi:-

Je, Serikali haioni umuhimu wa kuboresha Kituo cha Redio Tanzania kilichopo Mahembe – Kigoma ili mitambo yake iwe na nguvu ya kupokea na kusambaza masafa ya Redio hiyo kwa Wilaya zote za Mkoa huo.

120. MHESHIMIWA MARTHA MOSES MLATA (VITI MAALUM):

Atamuuliza Mheshimiwa Waziri wa Habari, Utamaduni na Michezo:- Utamaduni ni kielelezo kikubwa cha utaifa na katika mazingira ya utandawazi utamaduni wa nchi nyingi za Kiafrika umeathirika kwa

kiwango kikubwa hata kutishia baadhi ya tamaduni zetu kupotea:-

- (a) Je, Serikali imefanya utafiti wowote ili kutathmini athari za utandawazi kwa utamaduni wetu;
- (b) Vijana wengi walioko mashuleni na vyuoni ndio wanaonekana kuiga sana tamaduni za kigeni ambazo zinatofautiana sana na tamaduni zetu; Je, Serikali ina mpango gani wa kukabiliana na tatizo hilo.

III. MISWADA YA SHERIA YA SERIKALI:

(Kusomwa Mara ya Kwanza)

Muswada wa Sheria ya Marekebisho ya Sheria Mbalimbali (Na.3) wa Mwaka 2010 [*The Written Laws (Miscellaneous Amendments) (No.3) Bill, 2010*].

Muswada wa Sheria ya Manunuzi ya Umma wa Mwaka 2010 [*The Public Procurement Bill, 2010*].

Muswada wa Sheria ya Ubia kati ya Serikali na Kampuni Binafsi wa Mwaka 2010 [*The Public Private Partnership Bill, 2010*].

IV. HOJA ZA SERIKALI:

WAZIRI WA KATIBA NA SHERIA:

Kwamba, Bunge likubali kupitisha Makadirio ya Matumizi ya Wizara ya Katiba na Sheria kwa Mwaka wa Fedha, 2010/2011.

**DODOMA
25 JUNI, 2010**

**DKT. T.D. KASHILILAH
KATIBU WA BUNGE**